





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.5.58





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald. 1.5.58




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.5.58





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.5.58


Atto 1/5. —




BIBLIOTECA
CENTRALE
FIRENZE
INIZIA
NE










BERNARDI
GEORGII

PATRICII VENETI

EPITAPHIA, ET EPIGRAMMATA
ALIQVOT, QVÆ DVM PRÆTOREM
PATAVII AGERET OBITER
COMPOSUIT.



Ad Lectorem

IV S dicens, totam gradiens passimq; per urbem,
Quæq; obiter prætor carmina composui,
Edimus haud laudis studio, aſt Virtutis amore,
Quisquis es hæc quaſo perlege mente proba.
Inuenies aliquid, Quod te fortasse iuuabit.
Nugæ etenim interdum ſeria ferre ſolent.
Si nulla utilitas, ſi non erit ulla uoluptas,
Diſces, ne pereat tempus inane tibi.

BERNARDI

GEORGII

PATRICKI NEWATI

EPITAPHIA ET EPIGRAMMATA

ALIQVOT, QVAE EVM PATRICKI

PATAVII ACCEPERE OBLATA

CONSECRAVIT.



ALD. I. 5. 58

IN 2. libro, totum quidem per se
Quod ad hoc pertinet, etiam
Hic est deus, et deus, et deus
Quod est deus, et deus, et deus
Invenit aliquid, et deus, et deus
Nunc est in interitus, et deus, et deus
Et nullus est, et non est, et non est
Dilectus, et deus, et deus

BERNARDVS GEORGIVS, P. P.

PATAVINAE NOBILITATI, PATA-

uinæq; Academiae S. P. D.



PITAPHIA, & Epigrammata quæ ha-
tenus ex quo Patauina Præturam exer-
ceo, magis ex tempore quàm à cura effin-
xi, quibus decetius nuncupauerim, quàm
ornatiss. Patauina Nobilitati, Patauinaq; doctiss.
Academiae. Enimvero, ut prætoriae edicta, & acta à
me in hunc usq; diem constituta in communem to-
tius ciuitatis usum, & cōmodum, amantiss. promul-
gata sunt, ita etiam paucula carmina hæc nostra ad
Ciuium (siquis tamen ea suspensis saltem oculis lege-
re aut percurrere uoluerit) uoluptatem, & solatium
excogitata nunc pari affectu depromuntur. Quæ in-
quam carmina prout fors, & occasio se, se mihi obtu-
lerunt obiter lusi. Sint igitur uobis obsecro nobiliss.
Ciues præclara Antenorea progenies à qua olim
maiores nostri plurima ex parte originem traxerunt
hi uersus nostri siue potius lusus, ueluti testes, cum
studiorum meorum, quibus adolescens trienniū ope-
ram dedi in florentiss. Gymnasio almae huius Urbis
bonorum ingeniorum, bonarumq; Disciplinarum
alumna: tum perpetuum pignus, & monumentum
propensiss. meæ erga uos beneuolentiæ. Quem ni-
mirum affectum, uestra de me existimatio, addo etiā
(si absq; auctantiæ nota dixisse licet) obseruantia: un-

A 2 decimo

decimo abhinc mense, ex quo apud uos dego, admi-
nistrationiq; huius inclytæ urbis præsideo, maio-
rem in modum auxit, ob quod, & si ampliss. hac Præ-
tura negotiorum, & occupationum plena, & cui re-
liquæ omnes Præturæ Venetæ ditioni suppositæ fa-
cilè cedunt, acriter, & uehementer uestra causa labo-
raui. Si Deus tamen (ut spero) cœptis annuerit, & fa-
uerit, uitæ meæ, ac honorum, quibus fungi contige-
rit reliquo decursu, gratiam parem, ut alumnus, &
amantiss. Prætor uester relaturum profiteor, & con-
fido. Vestra igitur omnium intererit ne longius di-
grediar, deinceps obseruare, ac curare, ut si quis huic
nostræ lucubratiunculæ ueluti parum ingeniosæ, pa-
rumq; eruditæ, ac ætati, atq; dignitati nostræ pa-
rum congruæ detraxerit, uestra aura, & auctoritate,
ac studio, eam, ut pote uestro nomine, & uestra gra-
tia meditatam, & elaboratam, demumq; in manus
hominum emissam, acri, & alacri animo sine ulla ex-
ceptione officiose tueri. Valete. Datæ Patauij
octauo Kal. Nouembris M D LVII.

INSCRIPTIO SEPULCHRI
ANTENOREI.

Troius Antenor iacet hac sub mole sepultus,
Qui patria eversa, classe has delatus ad oras,
Euganeis bello uictis, hanc condidit Urbem,
Vnde hoc defuncto socij erexere sepulchrum.

Altera inscriptio.

Hic iacet Antenor troiana ex Urbe profectus,
Qui patria pulsus, Patauina condidit Urbem,
Palladium ex Asia portans, & pergama secum,
Qui functus uita, fuit hoc sub monte sepultus.

Epitaphium Titi Liuij Patauini.

Liuius extinctus iacet hic, quem fama superstes
Incolumem seruat, tum superesse facit.
Quem labor, & studium, phrasis quoq; lactea, priscas
Scribentem historias sydera ad usq; uehit,
Multum igitur debes patauis Roma incluta, nam te
Liuius exaltat, dum tua gesta refert.
Adriacam donec præterfluet Albula molem,
Tantisper Liui fama superstes erit.

A iij

Epitaphium Petri Aponensis.

Non est tam medicas Aponus memoratus ob undas,
Nomine quàm clarus factus, & arte mea.
Stella Aponum ornauit, Flaccusq; Valerius olim,
Musarum, & Phœbi fidus uterq; cliens,
Doctrina uerum nostra, magicoq; professu,
Nunc idem ornatur, fit celebrisq; magis.
Sulphureas dum fundet aquas, Aponusq; calentes,
Vsq; adeo uiuet nomen in orbe meum.

*Epitaphium Reuerend. & Illustriss. Petri
Bembi Cardinalis. S. R. E.*

Prominet hic Bembi effigies sine uoce uiator,
Quem lingua ornarat stemmate cardineo,
Non obijt certè nec uocis deficit usu,
Cuius docta uirum scripta per ora uolant.
Doctorem ueneranda cohors lætare, sepultos,
Vos post fata etiam uiuida fama manet.
Et licet in petra hac Petrus per sæcula uiuet,
Doctrinæ uiuet plus ratione tamen.
Omnia consumit tempus, doctrina beatos,
Atq; immortales efficit una homines.

*Epitaphium Alexandri Contareni
Procuratoris.*

Hæc

Hæc maris, hæc belli, nauali hæc arte peritum,
Atq; manu promptum continet urna Ducem,
Nomen Alexander, cui Contarena propago,
Qui Procurator Marcius extiterat,
Dives opum, haud ulli fama, aut uirtute secundus,
Hic moriens, fieri hoc qui sibi iussit opus.

Epitaphium Hieronymi Michaelis

Mole sub hanc præstans situs est Hieronymus ille,
Illustris genuit quem Michaela domus.
Cui genitor sapiens extat, summusq; Senator,
Melchior, Adriacæ gloria rara togæ,
Præfuit hic leuib; grauib; triremibus olim,
Militiæ æquoreæ non sine laude uacans,
Ingentis formæ, atq; animi, uir promptus, & acer,
Post fatum hanc sedem qui sibi constituit.

Epitaphium Lazari Basani grecæ, ac latine
linguæ professoris præstantissimi,

Nosse Viator aues, ex ære hæc cuius imago,
Quæ Mausoleo prominet in medio,
Lazarij effigiem quare hanc scito esse Basani,
Qui graio, ac latio præstitit eloquio.
Cui Phœbus genitor, genitrix cui docta Minerva,
Cui puero nutrix Calliopeia fuit.

A 4 Qui

Qui plures Paduæ docuit feliciter annos,
Inferior nulli rhetor in arte sua.
Quatuor, atq; decem uitæ qui lustra peregit,
Citra ullam morum, citra animiq; notam.
Vnde uiro hanc molem posuit mox stissima coniux,
Affectum erga illum testificata suum:

Epitaphium Fulgosi Iuris Vtriusq; Doctoris.

Sacrarum Legum iacet hic, iurisq; peritus
Fulgosus, fulgor maximus Italiae.

Epitaphium Bernardi Georgij

Bernardi scito cineres hic esse Georgi,
Marmoream quisquis prospicis hanc tabulam.
Ordine patricio, plures qui gessit honores,
Pro patriaq; domi, pro patriaq; foris.
Cui Phœbus iuueni, doctæ pariterq; sorores,
Cuiq; seni dotes contribuere suas.
Deterior nulli fama, aut probitate Senator,
Qui patriam ornauit moribus, eloquio.

Epitaphium Alexandri Socini

Mariani f:

Ciuilis iuris, pariter sacriq; peritus,
Socinus

Socinus præstans hoc iacet in tumulo .
Nunc ubi sit doctrina uiri , dic quæso uiator ,
Dic ubi nobilitas , fastus , & ingenium .
Omnia prætereunt , pertingunt omnia finem ,
Nil non falce sua mors uiolenta secat .
Sola igitur post fata iuuant , mens conscia recti ,
Religio , probitas , candor , & integritas .

Epitaphium ^{Erasmii} Antonij Gatae Mellitæ cui Statua mar-
morea super foro Diui Antonij posita fuit .

Quanta fides nostra extiterit , qualisq; uiator ,
Quàm fuerim patribus gratus , & Adriacis ,
Marmorea hæc moles facile testatur , in ipsa ,
Aeneus impositus quinq; colossus inest .
Quæ mihi sponte sua erexit , posuitq; Senatus ,
Nimirum immensa pro pietate Patrum .
Huc animum , huc oculos quæso conuerte uiator ,
Sic me immortalem præstitit alma fides .

Epitaphium Reueren. D. Petri Barotij
Episcopi Paduani

Præclarus iacet hic Præsul Barotius ille ,
Gloria pontificum , sacricoliq; gregis .
Quem probitas , pietas , splendor , doctrina bearunt ,
A 5 Atq;

Atque immortalī copulauere Deo:
Quem regio Patauina dolet, quem totus & orbis,
Et pauper sanctum, flet locuplesq; uirum.
Sed' quid Virtutes, sed quid praeconia tollam
Pontificis, coelum scandere qui meruit.
Id dicam, nullum in patauā sedisse cathedra,
Coelituū qui plus dignus honore foret.

Epitaphium Thomae Barbadici clariss.

D. Andreae filij.

Thomas Barbadicus iacet hic, sors unica uitae,
Vnica progenies, spes, columeñq; patris,
Ingenuus, prudens, praestanti corpore, forma,
Quiq; fuit raro praeditus ingenio.
Octo decemq; simul peragebat molliter annos,
Dans operam studijs cum moreretur inops.
Praefecto Patauī misero genitore relicto,
In lachrymasq; actis ciuibus, & patauīs.
Spiritus ast Thomae cum caeli in parte quiescat,
Mors ferri à cunctis mitius ista potest.

Inscriptio ornatissimī, & splendidiss. Palatij Exce-
lentiss. Doct. Marci Mantuae plurimis ue-
tustiss. signis, & tabellis referti.

Græcia quot nunquam uidit, neque Roma sub uno
Collectas tabulas, marmora, signa lare.

Tot

Tot domus una capit Marci, qui Mantua dictus,

Ingens Euganeæ est nobilitatis honos.

Eximius uere doctor, iurisq; peritus,

Præstans consilio, clarus & eloquio.

Qui pridem magnis opibus monumenta uetusta

Vndiq; collegit, contulit hucq; simul.

Romanos proceres, uideasq; hic ordine Graios,

Quot celebresq; ætas quælibet ante tulit.

Herculis immensa hic est saxo forma colossi,

Numorum hic ueterum copia larga patet.

Hanc aulam si quis lustret, uelut ante decoras

Europam, atq; Asiam se putet inspicere.

Inscriptio horti simplicium herbarum medicarum.

Moenia quæ structa hic, quæ forma hæc ampla theatri

Quis labyrinthæus qui uiuet hicq; locus,

Non hic Alcinoi Phæacum principis horti,

Hesperidum non hic cernere poma datur.

Simplicibus herbis locus est, plantisq; dicatus,

Flos, Folium, Radix hic peregrina nitent.

Germina quot Pontus, felix quot Arabia nutrit,

Quæ legit in campis Mædus, & Assyrius,

Hic pariter uideas, quæ Cyprus semina, Baccas,

Quas etiam stirpes Creta, Rhodusq; ferunt.

Area Philosophis tantum hæc, medicisq; parata est,

A 6 Huic

*Huic horto medicæ præsidet auctor opis.
Mandato Adriaci facta hæc impensa Senatus,
Gymnasium dum plus demeruisse cupit.
Quisquis amat medicas herbarum agnoscere vires,
Quæ docuit Macer, quæq; Dioscorides,
Conferat huc sese, plureisq; hic transigat horas,
Non minor euadet nanq; Podalirio.
Inuentum medicina fuit, munusq; Deorum
Inuentum Venetum est, manus & iste locus.*

*Super tribus malis punicis miræ magnitudi
nis, & suauitatis ad Hospitem.*

*De trabe quæ spectas pendentia punica mala,
Qualia non uidit, quanta nec Alcinous,
Natalis comitis reuerendi protulit hortus.
Nunc diui Antoni qui sacra claustra regit.
Ne tu tam pomi formam mirere, sed ipsos
Prædulces succos, granaq; conspicua,
Aegrotis, sanisq; simul gratissima, quando
Nectaris exhibeant, ambrosiæq; uicem.
Cum Deus ipse igitur terrarum conderet orbem,
Has Adæ plantas inseruisse ferunt.
Epitaphium Hieronymi Nigri canonici Patauini.
Conditus hic Niger est, fuerat qui candidus inquam
Doctrina*

Doctrina, ingenio, moribus, eloquio.
Et licet atra uirum mors intercoeperit, album
Attamen illa polo reddidit aethereo.
Illic nunc fulget niueo præcinctus amictu,
Candidus effectus, qui prius ater erat.
Adde quod auctoris tanti dum scripta manebunt,
Vsq; adeo uiuet clarus in orbe Niger.
Hoc Sancti poscunt mores, hoc candida uirtus,
Dux una, una comes quæ solet esse bonis.

Ad Beuilaquam de Beuilaquis Doc. &
Equitem, suum Vicarium.

Te dolor interdum capitis sine fine fatigat,
Atque domi retinet, nec sinit ire foras.
Me contra uehemens torquet persæpe podagra,
Inuitum in thalamo detinet, inq; toro.
Mitius exoptem noster dolor urat utrunq;
Vt fungi officio possit uterq; suo.

Deprecatio ad Deum omnipotentem cum
podagra uexaretur.

Carmina iam ualeant, Phœbi ualeantq; sorores,
Musarum Phœbus iam ualeatq; pater.
Non opus est musis nobis, pia pharmaca nostri

A 7

Articuli exposcunt, efflagitantq; pedes.
Torqueor infelix nimio langore, nec ulla
Subsidium nostro fert medicina malo.
A tanto superest superi quod nempe dolore
Desertum, ac miserum me redimisse uelint.
Obsecro quapropter uos ò pia numina cœli,
Me seruate inopem, ne siniteq; mori.

Ad Gerardum Busdragum Episcopum
Argolicensem.

Qui templo Christi inseruit? Qui prospicit aptè?
Solerti clerum qui regit obsequio?
Busdragus, legum decoratus utraq; corolla,
Moribus, eloquio, relligione potens.
Urbs quem Luca tulit prognatum sanguine betrusco,
Qui nunc delubro præsidet Argolico.
Hunc & adi, ac uise exoro officiosa camœna,
Pontificiq; probo dic reuerenter aue.
Insper hæc illi perfer, quæ carmina mitto,
Quin magis has nugas nomine redde meo.
Dic etiam, quod dum tranquillæ pagina uitæ
Scribitur, interea sustinuisse uelit.
Nanque peracta breui per nos mittetur ad ipsum,
Pollicitus noster quod mihi scriba fuit.
Præsulis ulterius ne quid pia gesta retardes,
Busdras

Busdrago salue, dicq; subinde uale.
Dum choreis tota urbs, ludoq; indulget equestri,
Tum Phœbo Prætor, Pieridisq; uacat.
Ergo ne pigeat, quæ pro te carmina lusi,
Suspensis saltem cernere luminibus.
Non ualet infelix, nec tam malus esse libellus,
Qui non ex aliqua parte iuuare queat.
Grimani uersus cum primum legeris, opto
Deinde uelis ad nos mittere continuo.

Ad Reueren. Episcopum Argolicensem Gerardum
Busdragum Suffraganeum Illustriss.
Cardinalis Pisani.

Extiterint quàm grata mihi tua carmina disce hinc,
Ante diem nam me hæc edere scripta facis.
Si quid erit doctas igitur quod uellicet aureis,
Cum nobis ueniam, tum tibi iure dato.
Auctor præcipuus nanq; es clarissime Præsul,
Ut uulgem nugas te suadente meas.
Ergo uale, & felix diuturno tempore uiue,
Bernardiq; tui fac memor esse uelis.

In Scholares qui petunt facultatem
armorum gerendorum.
Qui studet, ille colat Musas, & Apollinis arteis,
Miles bella gerat, martia tela colat.

In

In eosdem.
Qui Studijs operam impendet, doctæq; Minervæ,
Is uoluat libros, Pieridasq; colat.
Sed qui gradibus inferuit, fera spicula uibret,
Et gladios tractet, tum quoque bella gerat.

Ad Reueren. Franciscum Francescinum.

Scodrensi nutrita lacu, tum denique capta,
Anguilla hæc illinc missa subinde mihi,
Mittitur ecce tibi Doctor reuerende, sacrarum
Interpres legum, christicolique chori.
Hanc opto læto uultu, tum mente serena,
Accipiasq; animo quo tibi iure datur.
Exiguum munus fateor, sed tempore tali,
Quod deceat, si quis dogmata sancta colit.
Ne studia exturbem, tua ne simul ocia rumpam,
Incomptis finem uersibus en facio.
Interea salue, atque uale Francisce diserte,
Deuinctumq; putes te sine fine mihi.

Ad Reueren. Abbatem Sanctæ Iustine.

Scodrensi intercepta lacu, mihi missa subinde,
Anguilla hæc ingens en tibi iure datur.
Pontificis dignum munus, tum præsulis almi,
Qualis

Qualis es ò præstans, & Venerande Pater.
Læta igitur capias oro mea munera fronte,
Ac pro me immensum quaeso precare Deum.
Proq; datis alias spiris, hanc accipe spiram,
Pectus, & officium tum meditere meum.

Ex Græco.

Per similis Trullæ uir est ingratus habendus,
Quæ solet immisum fundere scissa merum.

In Leonis effigiem quæ posita est super columna
apud Sancti Andreae fanum.

Qui Leo marmoreus stratus, super hacq; columna,
Visitur impositus, tum pileatus adest,
Custodit pariter templum hoc, triuiumq; propinquum.
Securum, ac tutum tum quoq; reddit iter.
Belua cur pileum gestet, uis scire uiator?

Dicam, ut se metuat, plus fugiatq; latro.
Adde, quod hyberno, ac æstiuo hic tempore degens,
Munitum debet belua habere caput.
Est tamen hic urbis medium qui sentiat esse,
Hinc statuam hanc ciues hoc posuisse loco.

Marcia quæ medio gestant ut pectore signa.

Urbis, & in media parte locasse ferant.

In Petri Picardi sepulchrum.

Picare

Picardus quod se abscondat, nolitq; uideri,
Quæ faciem inuasit gallica causa lues,
Redde uiro sanam faciem, uelut ante decoram,
Eriget ille caput, os oculosq; simul.
At tabe absumptum uultum ne proferat, ipsum
Cogitur incuruum detinuisse caput.

Epitaphium clariss. Procuratoris Stephani
Teupuli, qui Paduæ occubuit.

Hic situs est Stephanus præclarus, & inclytus ille,
In nostra Vrbe domus Teupula quem genuit.
Insignis, Prætorq; probus, summusq; Senator,
Præfectus terra qui fuit, atque mari,
Procuratorum excelso decoratus honore,
Pro uirtute simul, pro meritisq; suis.
Iure igitur ciuem fleat Vrbs, tantumq; patronum,
Nominis Adriaci laurea qui fuerat.
Nec tantum Venetus, sed & Italus adflectat orbis,
Nam periit lumen totius Ausonæ.
Ferte rosas, uiolasq; patres, date thura sepulto.
Viuat inextinctum nomen in orbe uiri.
Epitaphium alterum.

Præstanteis plures genuit Respublica nostra,
Sæpe uiros, quales martia Roma tulit.
Sed non deterior, sed non minor omnibus illis,
Exitit,

Extitit, hoc Stephanus qui iacet in tumulo.
Ordine patricio claris natalibus ortus,
Teupula progenies cui generosa fuit.
Gesta uiri tanti si quis percurrere uellet,
Esset opus longa prorsus Odyseade.
Sat tibi nosse, gradus Stephanum exegisse supremos,
Dempto uno, dignus quo tamen extiterat.

Subscriptio picturae in monasterio Diui Antonii,
Huc te qui confers, sacrum praena canentes,
Quo spectes, uocem continuisse uelis.
Ne tua sacricolis uox sit, neu lingua molesta,
Et si non audis, concinit ecce chorus.

Super Baculo à Bernardino Fornagerio Gymnas-
siarcha Iuris peritorum sibi donato.

Rectorum munus Baculus qui cernitur hic est,
Annua Gymnasio haec qui dare dona solent.
Hic à quo Baculus si quaeris, & unde profectus,
Sic habens, Fornax Gymnasiarcha dedit.
Super eodem alterum.

Rectoris munus Baculus qui uisitur hic est,
Hos dare Gymnasio Gymnasiarcha solet,
A quo sit missus Baculus si forte requiris,
Sic habeas Fornax haec monumenta dedit.

Super

Super altero Baculo à Pancratio Thuringio Phi-
losophorum Gymnasiarcha sibi dono dato.

De trabe depictus Baculus qui prominet alta,
In summo cuius splendida sphaera micat.
Pancratij egregium munus scito esse Thuringi,
Qui Pataui insignis Gymnasiarcha fuit.

Super duobus Baculis gymniciis, altero sibi donato
a Zacynthino Gymnasiarcha Philosopho-
rum, & altero a Lusitano Gymna-
siarcha Iuris peritorum.

Depictos Baculos, auro passimq; nitentis,
Quos spectas nobis Rector uterq; dedit.
Philosophi sunt dona igitur, Iurisq; periti,
De trabe qui pendent, quos Baculosq; uides.
Præfectis urbis sextili mense quotannis,
Dantur, & hæc toti munera Gymnasio.
Pergratum pignus, patauina testis in Vrbe
Adriaco prætor nomine quod fuerim.

Epitaphium Ludouici Pasini.

Philosophus tacet hic Ludouicus maximus ille,
Pasino celebri sanguine progenitus.
Egregie

Egregie doctus, medicaq; peritus in arte,
Creditus à cunctis æmulus Hippocratis;
Filius hunc tumulum, pariterq; pijsima coniux,
Erexere uiro hæc, natus at ipse patri.
Huc qui te confers, Lymphas insperge sacratas,
Ac pro defuncto quæso precare Deum.

Quatuor Carmina duobus Virgilianis addita.
Nocte pluit tota, redeunt spectacula mane,
Diuisum imperium cum Ioue, Cæsar habet.
Ille præest nocti, luci hic pariterq; diurnæ,
Alter ita officio temperat alterius,
Haud mirū Augustus Princeps, Venerisq; propago,
Iuppiter est hominum, coelicolumq; pater.

Ad Ioannem Michaelem oratorem designatum
ad Christianissimum Regem Gallorum.

Id Decus, Ipatriæ columen, Venetiq; Senatus,
Laurea, & Adriacæ splendor, honosq; togæ.
Te Musæ, & Charites unâ comitentur euntem,
Musarum Phœbus sit comes ipse pater,
Atq; iter ingressō contingant omnia fausta,
Nestoris, & Pitho surgat in ore tuo.
Ad Gallum demum postquàm perueneris, opto,
Afflis

*Afflictum recrees, moestitiaq; leues.
Semper & incolumis uiuas, dum manseris illic,
Legatum dum te Gallia suspiciet.
Opto etiam Regem uictorem cernere possis,
Atq; iterum solita prosperitate frui.
E're nam Christi est, Regem uti sorte secunda,
E're totius Christicoliq; gregis.
In patriam quò cum fueris de mōre reuersus,
Incolumi regno, sospite Rege, uiris,
A patribus meritos capias insignis honores,
Quæ labor, & uirtus, præmia ferre solent.
In terea salue, atq; uale præclare Michael,
Et patriam exalta quò potes ipse magis.
Quam tibi præsentī melius retulisse salutem,
Par erat, en absens, reddoq; febricitans.*

*In scriptio Harenæ sitæ apud
Fratres Eremitanos*

*Hic olim biugum ludi, hic equitumq; fiebant,
Hic egit parteis histrio sæpe suas.
Comicus in Scenam se se hic, Tragicusq; ferebant,
Impleuit uarios hic Citharista modos.
Prodiit hic Elaphas, Taurus, Panthera, Leoq;
Hinc est hic igitur dictus Harena locus.
Epi*

*Epitaphium Illustrissimi Cortonei
Principis Angli.*

*Anglia quem genuit, fueratq; habitura patronum,
Cortoneum celsa hæc continet arca Ducem,
Credita causa necis Regni affectata cupido,
Reginæ optatum tum quoq; connubium,
Cui regni procures non consensere, Philippo.
Reginam Regi iungere pnsse rati.
Europam unde fuit iuueni peragrarare necesse,
Ex quo mors misero contigit ante diem.
Anglia si plorat defuncto principe tanto,
Nil mirum, domino deficit illa pio.
Sed iam Cortoneus cælo, fruiturq; beatis.
Cum doleant Angli, cum sine fine gestant.
Cortonei probitas igitur, præstantia, nomen,
Dum stabit templum hoc uiuida semper erunt,
Anglia dumq; etiam stabit, stabuntq; Britanni,
Conugij optati fama perennis erit.
Improba naturæ leges Libitina rescindens,
Ex æquo iuuenes præcipitatq; senes.*

*Epitaphium Reginae Berthæ Henrici
Quarti uxoris.*

*Prædia quæ Præsul, Clerusq; hic possidet, illa
Donauit*

Donauit templo Bertha huic celeberrima coniux
Henrici Regis, iacet hoc quæ extincta sepulchro.
Nomine ob id meritum, fama quoq; digna perenni.

Ad Lelium Ruinum Bononiensem.

Quod modò si uellem possem Ruine negare,
Gestandi gladij ius tibi trado libens.
Tu fac utaris concesso munere rectè,
Vt gratum ostendas, te pariterq; probum.
Nam mea Prætoris seruans mandata, per Urbem,
Hic dum Prætor ero quælibet arma feres;
Te tamen interea moneo Virtutibus ornes,
Et studeas proauos æquiperare tuos.
Doctrinæ ut fias, armorum, atq; arte peritus,
Et Bruti consors efficiare breui.

Inscriptio Palatij Ecelini Sæuis. Tyranni.

Hac quisquís transis, conceptum pone timorem,
Interijt Dominus, qui fuit ante domus.
Non plus hic habitat Sciron, dirus'ue Procastes,
Non hic pascuntur plus Diomedis equi;
Librauit Minos Ecelini crimina iamq;
Tartareas pœnas iam ferus ille subit.
Non plus humano hic temerantur sanguine muri,
Non

*Non plus humano hic sanguine terra madet.
Haud rediturus abit Stygias Ecelinus ad undas,
Ergo tuum tutus carpe uiator iter.*

Epitaphium Diui Prosdocimi

*Diuus Prosdocimus iacet hic, Qui missus ad urbē hāc,
Ad Christi cultum transtulit Euganeos,
Vnxit & hic etiam Patauos baptismo sacro.
Præclarus socius, discipulusq; Cephæ.
Præsulis inflexum manus hinc habet altera guttum,
Testem, quo Patauos, lauit & Euganeos.*

Ad Ciues, & populum Patauinum

*Hic diuæ corpus Iustinæ conditur, illi hic
Confossum Christi pectus amore fuit.
Exultet tali hæc unde urbs decorata patrona,
Ex hac sitq; etiam uirgine tuta magis.
Iustinæ meriti donec tribuentur honores,
Soluentur donec debita uota Deæ,
Tantisper Pataui, qua libertate fruuntur
Gaudebunt, qua uel prosperitate nitent.
Quas decet ergo Deæ grates iam reddite, uobis
Singula apud Venetos integra semper erunt.*

Ad

Ad nobiles Patavinos, & reliquos Ciues,

Treis habet hæc monteis mira urbs pietate refertos,

In plano quamuis ædificata solo.

Argenti, atq; auri positum ingens pondus in illis,

Seruatum sola commoditate inopum:

Quilibet expositos certo cum pignore numos

(Pro centum soluat dummodo quinq;) capit.

Iudæo hinc fœnus uetitum est, cum suppetat ex ijs,

Copia numorum, quam quis habere cupit.

Hos Bernardinus monteis extruxerat olim

Feltrius, hanc urbem fœnore ut eriperet.

Dum monteis igitur rectè moderabitis istos,

(Credite) erit uestra urbs sospes, & incolumis.

Inscriptio lapidis uituperij.

Quod saxum prostat summa hic à parte palatij,

Effigiem Calicis, Quodq; sedilis habet.

Iste uituperij fertur locus, ære grauari

Huc super insiliunt, hicq; sedere solent.

Exitit Antoni hæc sententia dia beati,

Carcere obæratos soluere qui uoluit.

Cui non soluendo est (si uult) conscendere saxum,

Atq; potest nudas imposuisse nates.

Ad

*Ad Patauiuos Ciues super feſto die decurſus
equorum, & felicitis ingreſſus Dominiꝝ Ve
neti in hanc Patauinaꝝ ciuitatem.*

*Hæc lux à uobis niueo ſignanda lapillo,
Carrario eripuit uos ea quippe iugo.
Milite collecto Veneti hæc ſunt urbe potiti,
Fixere inq; foro hoc Marcia ſigna die.
Hinc igitur tota ludi exercentur in urbe,
Hinc æſ campanum perſtrepit, hincq; tuba.
Hinc feſtus, lætusq; dies, hinc curſus equorum,
Annui, hinc choreis compita pulſa ſonant.
Vxores, tutæq; nurus, tutiſſima uobis,
Hinc ſunt ueſtra, etiam pignora, rura, domus.
Iam Superis Pataui meritas exoluite grates,
Veſtra ſalus uobis prodiit à Venetis.
Nil mirum afflictam eripuit ſi nata parentem,
Fert ita naturæ lex pia, lexq; potens.*

*Ad Scholares qui facultatem ferendi
gladios flagitant.*

*Ingenium quiſquis doctrinis excolit, ille
Euoluat libros, temperet à gladijs.*

Ad eoſdem.

Qui

Qui studet, euoluat libros, ediscat eosdem,
Ense latus cingat miles, & arma ferat.

Inscriptio pontis dicti Pediculosi

Aequore ab Adriaco quæ merces undiq; ad urbē hāc
Mos erat aduerso flumine conuehere,
Publica pendebant hic uectigalia fisco,
Pondere pro rerum, pro grauitate simul.
Hinc igitur sumpsit pons hic à pondere nomen,
Quod librarentur singula ponderibus.

Inscriptio pontis uocati delli Graici

Cum peteret bello, premeretq; Cleonymus agrum hunc
Ad Veneta expositis littora militibus,
Comissa Patavi pugna hic fudere pelasgos,
Ex quibus ad naues pars quota uix redijt.
Pro caesis igitur græcis, procul hincq; fugatis,
Græcorum ponti nomen habere datum.

Inscriptio Pontis Altinatis

Hic Altinates laribus, patriaq; relictis,
Dum metuunt prædas, dum metuuntq; necem,
Attyla nanq; igni, uastabat, & omnia ferro,
Extrus

*Extruxere sibi, pignoribusq; domos.
Indita sunt ex hoc igitur sua nomina ponti,
Altius ripam hanc incola quod coleret.*

*Inscriptio pontis ungo uotati
Ponte Corbo.*

*Victores Pataui, quot sors seruauerat hostes,
Intra urbis uinctos moenia cum raperent,
More triumphantum ponti: portæq; propinqui,
Curua iniunxerunt pergere mancipia.
Quod proni, atque humiles iter hac fecere Pelasgi,
Pons fuit hic dictus curuus ab Euganeis.*

*Ad utrunque collegium doctorum,
& Academicos, atque ad
Nobiles Patauios.*

*Iam par est operi exacto me imponere metam,
Iam quoq; lectori par retulisse uale.
Lumina Gymnasij quare præclara ualete,
Vtq; decet uatem pergite diligere.
Sic uos Dij superi diuturno tempore seruent,
Et dent Nestoreos posse uidere dies.
Sic uos perpetuus fortunæ riuus inauret,
Semper, & aurifero uos beet amne Tagus.*
B *Viuat*

*Vivat ita æternum Patauina gloria gentis,
Incolumi Veneto nomine, & imperio.*

FINIS.

VENETIIS, M D LVIII.



005266497

